

集部

欽定四庫全書

古廉文集卷十

詳校官編修臣程 中書日劉源溥覆勘

槐

總校官路調綿係倉里脉 校對官編修臣沈清藻 磨録監生臣王 岑

父己日国 衛之開之開 一日本の日本 いきせか 明 明年以從子珊走京師法告 有司治墳坐歸其極葬 碑 石侍郎吾公以官終

其中五人為偷撰九年以公與楊相段民沈升等六 詩賦以歌頌聖德一時文學之盛人皆於美五年冬拔 選其簡秀而有文者二十八人績學詞林以待權用公 予曰先從父既葬而神道之碑未刻敢以是為請予原 在列而年最少質偉才敏博覽羣籍作為文詞其言滔 神聖大德入正大統二年甲申廷策進士四百七十人 滔然無疑滯方是時四方多獻祥瑞二十八人者輒進 與公同年不可固辭謹按狀而序次之太宗文皇帝以

金与巴西雪

卷十

大王り町台町 尚書吕震日吾紳出自翰林佐鄉典禮可稱矣既而出 為廣東右參政宣德四年復入為禮部改南京刑部奉 差失他刑官老於法律者咸推讓其能而公尤以寬平 懼祇謹以求副上意識議務適其中敷奏必以實舉無 罪徑自引奏備陳其情犯問擬不當則坐罪六人者恐 儒者之言當擇其人故以六人主事且命所訊囚既定 為刑部主事時有言理刑得显陶方稱者上聞之曰此 得名陞郎中總一司之政益謹其職拜禮部侍郎上謂 古廉丈県

| 賓平識其無所治具也公三佐宗伯一佐 司冠持已以 金好四母全書 姦於是命公復為禮部至是以疾終公初拜侍郎衆往 賀衣冠畢集而一室蕭然在坐有笑者曰家不祝先會 正不阿語不瑣細嚴刻任性率直於人長短一無所較 有言南京微訟蕃滋掌刑部者過於寬縱吏得並緣為 來以故僚友可恃公點之又以殘刻被點者三人時論 稱其至公今上皇帝嗣大歷服以公舊人賜誥命張之 動考數兩廣方面官有參政素貪贖結權要為援見公

掌歌詩以為好或縱意談笑以戲語為樂若甚故曠而 曾祖諱隐操祖諱伯恭父諱仲廣俱贈通議大夫刑部 快其好吟類此卒年五十有九娶徐氏封淑人子二 其中亦有止節平生所作文詞甚富當和唐音集為 長聰次敏俱幼女四人二子側室史氏出公卒徐淑人 出佐廣藩為僚長所擀亦畧無愠色其視名位得失是 非榮辱坦然無介意會廣客故舊劇飲盡醉或脫帽撫 自家來攜之以歸撫愛之甚至吾聞公開化名族之後

大元司量公島

古廉文集

哉銘曰於赫太宗文武聖神圖惟至治數求哲人臨軒 右侍 發策賜以高第憲憲吾公年富才偉游於詞垣超然出 時位至顯要固不負先朝期待任之之意情所施未完 金与口匠自言 不惜不酷帝用嘉之以佐春柳以典祀事克彈厥誠繼 產揚芬吐奇嚴聲有聞試以劇任俾典無緣刑惟殿中 佐藩政再登朝端秩禮明刑惟敬惟寬明明天子舊人 而年止於斯耳然生有名譽沒有榮罷其始終複何憾 即祖此此俱贈淑人嗚呼公有文學操履遭際其

曹泰所為公狀來告曰妾夫不幸客死於外今奉其喪 完而至於斯公性直亮素履坦平生有令譽沒而光榮 歸葬欲具石表諸其墓道而未有文先生與夫交不薄 鍾山之陽玄宅所問刻銘垂休耀於永世 是嘉錫以雅書思命再加去繁就簡謂公尤宜厥施未 次已日年全日 敢以為請如不怯賜之使夫名不泯於世則不勝大幸 户部侍郎吴公之妻敢人王氏遣家僮寧以監察御史 正議大夫資治尹户部右侍郎吴公墓碑 古廉文集

大夫户部右侍郎祖姚姚皆贈淑人公性類敏而端厚 詩璽字信王邵武人祖均用父仲政皆以公貴贈嘉議 也耶然以淑人之請之至又誼不得辭遂為之文曰公 聞為之心舊膽裂而淚下不已者累日尚恐文其墓石 先生幸無解嗚呼公其死也耶公雖死吾嘗念公如未 金牙口匠 死者然公被謫去未嘗一日不真公起而復用也及計 永樂戊子由即庠生以春秋舉於鄉明年試禮部不第 入太學自太學歷試擢武選主事以才能為尚書方公

侍郎或云户部政與共部異公將寫於是職美公至未 藏之虚實其不窮究者察皆得其要國家經費用度出 春月而於四方萬國之版圖人民錢穀之多寡康庾庫 所器重既以外艱去方公言之於太宗文皇帝奪其情 起治事未幾陞郎中宣宗皇帝知其賢陞行在户部右 昭燭無遺莫敢自肆者然後人始信公之賢且能為不 可及也正統已未從庫藏物入內帑動太監洪公魏國 盈縮其不會計營度皆得其宜而於下之弊盡一皆

次已日長台島 一

古庶文集

謫戍邊在邊僅二載以疾卒正統甲子二月二十日也 錯愕不知所對上以為大臣不事事下之獄解連及公 束幾何邊那所儲足給用否時公以疾在告同寅倉猝 徐公與公董其事二公性不任煩劇惟總大綱鐵悉一 鱼为口屋白量 深重之壬戌秋外蕃來貢馬上問户部馬入境日用弱 以付公公經理調度秩有條紀人不勞而事易集二公 請文者生男輒即天一女尚幼死時惟家僮與王淑 享年五十有七公凡再娶前淑人黄氏後淑人王氏即 花十

次足习更加了 在其鄉某山某原葬以某年某月某日而立墓石則某 即王公尚書才也號於聚宜薦之時雖無應者其後王 任初擊獄時或謂公可不上疏求理耶公曰本同事復 年某月某日也 公果為尚書而公竟流落以死其天也耶其命也耶基 何言若言是欲見所長我不為也本部尚書缺公言侍 在側遺命以其弟禮之子嗣公才能遇人而議卑不自 正議大夫户部左侍即姜公墓碑 古廉文集

嘉興府事嘉興政繁賦重公至佐政有餘力民安樂之 未幾以舊官代還改河間府宣德五子河間守以事能 去民數千請關舉郡守朝廷素聞公賢即日命知河間 樂甲子領鄉薦明年會試禮部不利卒業太學授同知 庠弟子員在選中年纔十四就學為文日益以有進永 遠伯王公副憲山西時行部至忻州選民間俊秀補郡 皆不仕公性敏慧自幼縣知以讀書為事今兵部尚書靖 公諱濤字伯淵姓姜氏太原州人會祖原祖輔父唐即 e F. Charle

守令詔可之奪其情起復正統初京尹缺廷臣交薦拜 **吊祭公生於洪武壬申享年五十有四配劉氏封淑** 治尹甲子陛户部左侍即己丑奉命督江淮漕運京畿 順天府尹戊午頒給誥命投通議大夫祖考皆贈官 府未幾以外艱去民老幼復詣關怨乞留公上方慎擇 日也上聞而悼惜之遣官致祭在廷公卿而下成往 外倉儲是成夏得疾還京沒於長安里第四月二十 祖她她妻王氏皆贈淑人癸丑進階正議大夫勲資

大己可是 二丁

古廉文集

政事愈厚遇之河間民少恒産多以漁為生而或經豪 有王同知者以徇私與公不協及公赴京忽令吏守其 任民採取敢有占據者就執以來由是資民得遂其生 右侵奪陂池民不得其利公至今曰凡池湖魚販蓮華 無所容蓋當與公有宿憾者公部語之曰汝勿怖宜趨 還時奉命督工外有舊按察官在任之中恐懼前却若 侯公所述公行實來請予為墓碑文予聞公自嘉與代 子男三人宴寧定女四人宴将奉喪歸葬以禮部侍郎 金少四月有量 決足可華人的 出天財庫以供其費凡三知貢舉一處之以公請託不 也京師祀事課賣皆出於民吏傍縁為民姦被其毒公上請 家不得出入讒毀百端未幾王死妻子生事械京師當 召入好延累日資遣之母子謝曰公可謂以德報怨者 遞還送至府各惶懼賄吏勿令公知吏不敢隐白公即 為人矣予為書之茲碑使欲知公者於此可考馬 行沒之日家無餘錢幾不能具棺敛嗚呼此可以觀其 贈戸部尚書王公墓誌銘 古麻文集

賜之銘以掩諸幽吾先世淮北人宋南渡徙居浙之臨 來致其語曰不肖佐先人沒葬未有銘今不幸老母又 户部尚書海豐王公以内艱將歸遣其屬官主事雀恭 安曾祖任元漕運百戶居武清漕運之子蔭補樞器院 見棄背吾歸奉老母之喪於先人之兆合定馬願先生 副樞入國朝察官歸占籍海豐實佐之祖先人父也先 多少日月八日 書靡不通貫而尤寒於易洪武士子膺明經薦典教演 人類敏好學當從遊於張潞公仲舉之門經史百家之

大元日日 日本日 日 某父士文蘇州守三世皆有賢徳後先人十有五年年 先些之次先母里人也孝敬慈仁本乎天性會祖某祖 如數否曰如數悉以散給里之貧乏及死而不能具棺 盗事覺被獲東光東光召先人歸其財僅半之縣官問 遂痛恨誓終身不飲冰有盜切其財貨殖逾千金其後 極思水飲時暑月不可得遣人遠致之比至已告絕矣 飲者 宣德辛亥二月五日沒年八十葬邑城之外西南 州未樂懸辭歸養性至孝而仁恕副樞翁既老遘疾熱 古庶文集

九十沒實正統乙丑三月十九日也先人以不肖得推 金好四尾有電 恩始封文林郎吏科給事中進封嘉議大夫户部右侍 郎贈資善大夫户部尚書先母自孺人加封淑人贈 有九人先人老母之始終大畧如此先生其以是銘子 人子男二人長即不肖佐也次佑女二人長適苦州 與公交久而善誼不得辭而公庶慎寬厚為大臣有名 胡璉次道杜瑛孫男十五人女十一人曾孫男女十 其親疊膺褒嘉之命而二親又皆以壽終是故

小人とり上日上は日司 陸之傍誰敢壞傷 靳氏葬以正統十年某月日也銘曰生同堂死同藏先 意氣超然而子老病侵尋言語行步不速公遠甚當與 與子同年生月日後於子公魁梧奇偉雖老議論慷慨 子奎奉翰林修撰姑蘇張士謙所為公事行來請銘公 正統乙丑六月九日吾友華亭朱公年七十二以沒嗣 銘也漕運諱拳副福諱均讓大夫諱朴字子素夫人姓 順天府丞朱公墓誌銘 古廉文集

所藏古名賢法帖而其學益進與雲間沈先生民則等 晉唐人風永樂中膺薦至京奉詔入翰林得縱觀秘閣 宜為乃叙而銘之曰公諱寅字孔陽別號雪庭曾祖某 祖某父孟仁以公生而類異讀書有文學尤通六書有 金少区屋門 為公館耶 那公今亡矣不可以復見矣慨想畴昔慟不可恐尚忍 人聞者皆以予言為然嗚呼安知公之死乃先於我也 公言我必先公沒其以後事相屬公笑曰未必然而傍 雖然公交之久相知之深則銘非予為而誰

宣宗皇帝留心文翰日侍内庭累承衣服白金之賜時 次足四重金馬順 今上皇帝緝熙聖學屢應召書大字費予甚厚性通 皇帝素知公名即任之初見賜金繡衣一襲慰勞深至 殿受朝賀明日詔吏部陛公翰林編脩賜查優渥仁宗 從管建官殿禁扁皆公所書永樂辛丑正旦上御奉天 改司參議三殿重建復書禁扁賜綠段楮幣陞順天府 游內花命無騎以從賜熊於萬歲山應制賦詩斬先就 八人者同擢為中書舎人太宗皇帝巡幸九京公預侍 古廉文集

金りに人口人 之即愈兄孔昭以註誤當逮挺身代行後事卒得白鄉 子男一人即奎也女一人尚幼公孝弟有行義母患病 奄至大故嗚呼其可不悲耶配其氏封孺人側室謝氏 弟之親以相助徒以先些久欲歸酒婦以盡追遠之忱而 没於鄉人某家公無田於其鄉無居第於其府無叔伯兄 府丞今年春二月得歸省先陸到鄉未三月而竟以疾 人馮章母死不能具棺斂公買棺買衣衾助之有某遂 百樂不效晨起焚香祝天到股間忽有一人授良方服

古今名畫又善作山水幽趣枯木竹石尤極其妙好吟 有小樓客至必延坐其中態該終日極數而能能別識 不得直於法司者公為言之必直而後已其人來謝拒 者得福建典史貧不能行周以冠服資遣之人有冤抑 餘年不竟其施公望巍巍而止於斯九拳五湖山水清 咏所著有雪庭集藏於家墓在塘橋金山之原先塋之 之曰汝去我非獨為汝也公性雖抗直而意度瀟洒家 次銘曰天賦才賢固將有為既底於用用無不宜四十

文色习事 自由

古廉文集

醫者候用藥動其舊七日而死是月九日也死之日子 觀我銘詩 輝蒼松白雪 悠然以歸塘橋金山神游在兹後者不知 鱼少巴人人可能 與司業趙先生以下往界哭之働比小斂大飲几三往 哭之不知其淚之雨下也未死之前四月其弟裡與其 祀早行踏空失跌傷其左足與歸至家君舊有消渴疾 正統十一年丙寅春三月清明國子監丞李君上陵陪 國子監承永嘉李君墓誌銘

庵温之永嘉人曾祖銘祖寧父彦辰皆不任母杜氏君 誰以不悲予以非才領教國子恒苦事不治賴君得心 其以母憂去而不虞其死也今孺人無恙而君先死其 といういとに 其誰宜為乃不辭叙而銘之曰君諱廣字叔宏別號魯 知已每盡心所事子亦委以心腹於其死也銘非知已 子鐸奉其母命來省之母孺人年巳八十餘矣予當慮 禮將扶極歸葬來求予銘君墓耶雖然君在以予為 旦處失之是子失右臂也子之悲又安能以不働 古原文集 -839

金分四庫全書 宰賢明不宜點歷道其所以然御史果蘇得其情輕者 嗚呼君其死也耶子念君猶未死也子聞君在連城時 葬邑之吹臺鄉瀘灣之原祖坐之次與康孺人同兆馬 氏出也女二人其二出適陳容吴道演其婿也餘在室 娶方氏繼康氏葉氏子男六人欽方出也鐸銳側室黄 國子博士應薦選監丞至是卒年五十一君凡三娶初 邑宰為民所誣御史鞫之罪當默君力言於御史曰邑 初以鄉貢進士掌教汀之連城以外艱去服関還朝雅 卷十

久己日日心上 者為博士諸生有以東脩來見者受之及為監丞輒戒 士子始向於學其善教及人有如此者前太守何公為 竟抵其罪其正言感人有如此者歲早民饑吏無所指 秋官侍郎欲薦君為令堅解不就其恬退之節有如此 也勸令以補弟子員其後果以禮經魁鄉薦由是連城 人有如此者許氏子聰俊邑令逼為禄君曰此非掾才 報者公何懼而不為今從之民終以不流冗其仁心愛 君曰學糧尚多可以脈濟古之循吏有開倉賑饑不待 古無文集

灣之原墓石有銘永世不刊 呼孺人可謂賢母君可謂賢子也矣是故可銘也銘曰 有德有才有守有為不竟其施而止於斯吹臺之鄉瀘 其母亦嘗絡繹寄遺以副其意曰但守官慎無慮不給 門以絕諸生莫敢以私謁見貧之艱熊者必思所以賙 君亦感其母之言業業自持不敢妄有所為分外事鳴 之其取與以義有如此者在官有不足當取給於其家 禮部即中陳會鼎墓誌銘

操予為進士十年而迪簡沒連節沒後十年而會鼎為 進士二十年而亦沒嗚呼方會鼎為進士貴顯時不能 雖不言會縣當自知之非惟會縣知之鄉邦故舊蓋莫 無所感馬廸簡與子垂髫交於鄉而會鼎與子並有立 後三年其子進來京師奉監察御史萬資中所為會鼎 於朝會鼎富於春秋而子追於暮景子之有望於會鼎 會鼎故人贈禮部主事陳君迪簡子也連簡慷慨有悉 不信其然嗚呼又安知會縣竟先我而沒也耶會鼎沒

次在四年全事 一

古廉文集

**5** 

中皆不任考即廸簡母彭氏封太安人教育之遣從 樂庚子領鄉薦甲辰登進士第奉詔績學於家戊申召 習舉子業躬紡績給其費能自力於學學遂以有成.永 某贅常豐溪某氏其後子孫因居常豐會祖惠存祖環 字行姓陳氏陳氏之先自江州徒表之石分若干世至 辭既不得辭則叙而銘之曰會鼎諱鈍會鼎其字也以 行實請子銘嗚呼通簡子銘之今又為會鼎銘其不尤 可感也耶雖然進于子婿也為子婿而求其父銘安得

熊致禮幣以贈悉卻不受至廣西守將山公請歷各營 肅數日所司寂然時共部尚書柴公為侍郎参賛軍務 重陝右廣西二處官軍征討有功賣金帛往資之至甘 害無一人敢後者繼往南京封諸眷貨以能為內臣所 文書閱之曰此半晌事耳為之定規畫指授方法不終 至行在擢禮部主事明年往河南督取軍匠立限期利 日而數以成無分毫差失自大將以下皆敬美數服各該 君問何遲滞如此公曰軍數功次不清切會鼎召吏取

改 日軍全事

,

古廉文集

受之及還又出郊該偏神皆曰我公未當待使如此厚 聞朝使公忠正大故煩一往使夷人知朝廷有正人君 給賞之解不往公日他使至者皆求欲往吾不欲其往 若故者今宣異耶此非贈使者贈故人也豈宜解君遂 公宜自處之無預使者事若往是圖利也為制在朝廷 子亦馭夷之一益也會鼎曰吾奉命賣賞至此以付公 使皆出三司吾無與馬朝使來深慊鄙懷古人有傾蓋 公遂不敢强及還公贈綺幣一端君解公曰前此禮送

自少口乃八明世

英賢出世苦不多不多不久其奈何胸懷磊落星宿羅 陵某山之原先座之次銘曰 其意深加器重庚申太安人沒守制於家服闋將還朝 偶得疾竟至不起癸亥正月九日也享年四十有八娶 部郎中分政南京時五半陳公為侍郎與論事無不當 劉氏子男四人長進次輔次復次民側室李氏出也女 三人其二巳出適一高幼其年十二月十有六日葬鷹 也亦嘗對人言吾受人物惟此耳正統戊午秋湍遷禮

大巴口巨人

古廉文集

處閥 才文浩蕩輸江河少年盡喜登甲科責蹄郎署無奔波 文皇帝初即位欲作新士習命選進士之有學識者 與懷慷慨淚滂沱桑田為海山為河清名垂世永不磨 神此中藏安且那萬百千歲誰敢呵後有來者此經過 四十八年如擲梭忽然遺世歸山阿青山緑水煙景和 公諱升字志行杭之海寧人永樂甲申進士於時太宗 大僕寺少卿沈公墓誌銘 平不頗麒麟飽食玉山禾官閒公府從逶迤

飲定四車全書 大全書成受厚奪两午以失朝改行人未幾復其職丁 翰林改庶古士讀書秘府所以期待之意甚厚得二十 少卿授中順大夫已未賜誥命進階中憲大夫勲贊治 外艱去服関還朝改河南冬議奉命往蘇州等處參總 十有二人皆授刑部主事甲午冬命修五經四書性理 兵官都督陳敬軍事乙卯春召還拜北京行在大僕寺 酉陞員外即授奉訓大夫戊戌拜四川布政司參議以 八人而公預馬玉辰秋上特以刑部刑罰不清殿召公等 古廉文集

**<b>葬趣子銘永樂初公率聚言巡行事方朝會讀奏於廷** 百官聞之駭然驚異以為此大事豈易言之而大宗皇 女在側族弟寧為府學教授亟召曰汝為我狀請國子 袒張出也女四人二出適二在室公沒時唯解氏與幼 氏妻胡氏皆贈恭人繼室張氏倪氏解氏子男一人曰 十八日以疾卒父明遠贈太僕寺少卿母葛氏繼母錢 尹在職十有二年年七十一正統十有一年丙寅二月 酒銘我墓我瞋目矣遂卒是秋昶自家來迎公喪歸

哉銘曰 此皆人所難能者予意其必大有為也而怨馬以死惜 甚 慰切宣廟竟召之還其害遂已共民皆數於稱頌 凡 勢莫敢發公上章屢劾之不報遂極言其所為僭妄不 帝獨喜命廷臣即議行之在刑部持身慎行守正不阿 法事具有據且曰今不預制之恐後将有不勝之患辭 州時有鎮守內臣恣意暴横虐人人以不堪然皆畏其 居方面得大臣體採木植山中有調度人用不勞在蘇 古原文集 十九

正統已未有李氏子曰淳奉吾友前秋官主事劉君子 慰先靈地下幸無辭辭不獲則序而銘之曰先生諱嶽 有銘不肖已具石願先生賜之文刻而追納之墓中以 欽所為其尊府之狀來請曰先人沒廿有三年而墓未 **陸其陰言念君子 邈其徳音茫茫海昌青山流水我銘** 大木十圍其陰百里河流湯湯到海而止不極於海不 公墓莫之敢毀 古安府學司訓李先生墓誌銘

寫天臨教授三子先生其季也性類敏而好學十五六 俱美與兄伯達伯遠齊名時稱李氏三 鳳居家有孝弟 時工為詞章鄉先輩皆奇之既長益肆力於經術文翰 良叔祖華道皆有隱德伯父庭蘭仕元太醫院判父庭 字伯髙其先居吉之吉水後徙郡城今為盧陵人曽祖 率質平於其門教授邑里子弟多所造就當卜别墅 郡城之北螺岡種竹萬竿藝菊盆圃書陶靖節詩於四 之行處鄉黨以德義見重有忿爭不平者不之官府相

沙足四年全

**陸次先生有學術有節操足以為世楷式而今不可見** 壁與至則舉觞詠歌悠然以樂士大夫稱為陶軒先生 西藩府禮聘為考試官以有子喪卒不果行未幾以疾 司 而 手ジ 氏子男五人長曰昌誠先卒次昌証 没丁酉八月九日也享年五十有五先生几再娶皆周 一該昌訓女一人以是月十一日附葬五峯養母孺 訓之命到官益嚴教條士子争問於學明年質與廣 不名永樂丙申郡學官缺太守强起之上京師遂拜 即請銘者次昌信

銘曰 矣後生小子無所取法觀於此鳥 得不 為之起慕也耶 喪南還而徵銘於子因念昔與前國子上舎彭紹魯同 賢弟見有學有行無處古人惟古之人何必多壽銘以 大九四年前 陕西行太僕寺丞郭君道昌沒其子瑞至京師以其父 昭德永垂不朽 誰無學而或無行誰無兄弟而或不競嗚呼伯髙有 陝西行太僕寺丞郭君道昌墓誌銘 古康文集 Ī

客必豐厚行事任已志不受人言亦無所阿比於人以 道昌既入郡庠篤志於學貢於成均永樂奏卯授大理 往者獨紹魯耳故子因紹魯而識道昌此鄉故蓋舊且 是得名然亦以是忤於物遂有陕西之命在陕西持身 久也道昌之所以得入郡庠為弟子員亦紹魯之力也 北京太僕寺丞道昌性剛而直衣服飲食好精潔待賓 評事以寬平得最績致褒嘉之命以及其親任滿遷擢

金好巴屋有電

遊學道昌所居鄉多大家道昌耿介少還往所與相還

暫還故鄉訪紹魯之故居荒烟野草欲求其彷彿不可 出處死生乖離之感至於如此豈不可悲也數予前年 於静海正月二十有六日也享年六十三父貴宗以道 守官處事接物與在京師時斬然而異故聲譽大起韓 紹魯於南京三十餘年而又哭道昌於北京人生幾何 昌貴贈大理寺右評事母贈孺人子男三人連瑞理女 四人以其年某月某日葬某山之原嗚呼永樂初子哭 王聞其賢甚敬重之正統癸亥春來報政天官以疾没

**火上口里心前** 

古廉文集

官二十餘年得正而斃亦可謂樂幸也矣嗚呼道昌楚 山我我楚水泱泱誰上爾北我銘爾藏福爾後人以延 此也耶天賦聰敏之資磊落之才然以一太僕丞而止 也耶嗚呼道昌其不可悲也耶雖然世有員其才技而 嗚呼道昌其死也耶住官數千里外報政天官而死於 復得道昌歸靈與不昧追念疇告抑又可悲也矣予為 之銘非以道子之悲亦以洩道昌之悲也銘曰 不沾一命者矣有始雖榮顯而終以不令者矣道昌思

洪武初從軍隸燕山右護衛既老疾公代其役太宗皇 十八日以疾沒将以某年某月日葬於順天府大與縣 從征沙漠以功陞指揮食事賜以銀兩終幣仁宗皇帝 特性指揮使欽給語命子孫世襲以正統元年十月二 久已日最在1日 · 明 厥慶 公諱節字尚節其先山東濟南之鄒平人曹祖某父成 舉共靖難累功陸旗手正千戸調錦衣衛永樂甲午 錦衣衛指揮使王公墓誌銘 古鹿文集

其平生來請銘公容貌温和處心忠厚寡言笑薄滋味 厚公退慊然自處不為驕貴之態與人交歡然無所忤 事四朝小心慎密仁宗宣宗知其庶勤端恪待遇之甚 貧寫見親戚故舊有凶喪患禍不給者竭力以濟之為 衣服朴素不尚華靡雖貴顯泊然以居門庭寂如家雖 彭城衛吳亮其同寅指揮愈事孫景亨自幼與公善書 某村之原公有子二人長曰某次曰某皆幼女一人適 千户時當署鎮撫司推對獄囚務完其情不任已意歷

金岁日居行

過人自幼已歧疑不犀一日與其弟行遇邑军字見其 惟德之茂以有厥後惟吉之藏永世其昌 是皆可銘也銘曰 朝奔走執其弟 請幸公回顧知之即還請幸曰此吾弟 俊興叱曰誰家兒敢嬉遊通衛且命從者執以來公聞 而不可干以私沒之日寂無餘資遺戒薄葬好 公諱式字邦憲姓程氏世家饒之浮梁光毅簡重聽敏 巴陵程大力基誌銘

欽定四車書

超字德超特為改今名與字云授湖廣出之巴陵令振 選天官尚書張公然見其環偉進之與言而喜公初名 武两子領江西鄉為人胃監整軍河南有聲峻事還待 也懼明府舊悸喪其心故還初意明府有以進教之也 弟子員公既感宰之知已也一志於學學遂以有成洪 頹俗草弊蠹多所紛更上下初不甚喜久而人便之事 顧左右笑曰吾姑武之耳兒果可教遂禮送去邑庠補 乃非禮陵之使恐懼不知所為豈為民父母之心哉宰

其異於巴陵曰為政何常取其宜於民而已豈有異哉 調禮之石門石門俗朴野行數十里不聞經誦聲公至 民有健訟者恃故態脏誣里胥里胥將誣服公拘其親 次定四重任与 一一 末數上書言事不報乃題求教職會潘郡交薦不得請 屬置別令各具脏物色輕重果互為異遂辯其誣洪武 集化行先是軍衛縱暴縣不敢與抗及公至皆戒斂跡 為之與學校之教厚生徒之饒蠲士人之徭行鄉飲之 由是民漸知學而俗日以美其所施務安静人或詰 古庶文集

大呼曰吾欽州程某也來與汝衆請命朝廷安生業耳 者數輩多覆實復命公往梓與夷遇失石交下公直前 寬乃問行得其實盗乃服辜島夷叛藩果檄他官往 未幾終以前請教職故左遷欽州吏目州有羣盗殺 沉屍於江以滅跡獄久不具衆議釋之公日不可徹宜 與州郡以賢良交薦丁內艱不赴內弟典庫藏虧貨公 乃羅拜公諭以禍福卒使歸疑聽約東而還由是二司 累謫順天之楊村驛凡六載始歸邑字復以明經舉 招

金りに

詩尤清城性至孝母孺人皆遺疾醫藥弗效每夕潔虧 葬邑之其鄉某里某山之原曾祖某祖某父聞信俱不 露身禱於神明乞以身代母病果獲聞信公沒陰陽家 律思星命下軍釋道方使之書莫不涉獵其為文簡净 三人孫男七人女三人公子學該博雖老手不釋卷陰陽 任公凡再娶朱氏唐氏子男五人長錯次銀鉛鑰到女 年某月某日葬邑西勾瀾灘畔將以宣德某年月日改 至京師以疾卒永樂甲午二月二十日也享年五十明

次三日屋上前 一一

古鹿文集

來請銘銘曰 金岁世屋 又不壽天道可徵仁者有後上吉改葬以安靈神靈神 既妥其佑我後人 有德有才可與有為於歌小邑不完其施其施不完而 於時公之教也銷以事至京師奉其從弟道與所為狀 禮義無詐妄之習故錔以明經第進士為茶陵令得名 卒葬之治喪不用浮屠一遵文公家禮訓教諸子必由 謂不利三年後乃可葬公曰士三月而葬寧顧利不利

大己の日かす 一 所稱道既長博覽强記日數千言聖經賢傳諸子百家 進士廣之仁化令曾祖以萬舉博學宏辭一不偶軌絕意 敏其長也資性淳重類敏年十三已能屬文解為時輩 仕進獨好淵明詩有和陶集祖復心父樂存皆不仕樂 者避馬楚之亂徙居盧陵之曲山六傳至耕道宋開禧 存當從進士王子讓學詩經以詩經教授於鄉二子不 不敏諱愚姓蕭氏不敏其字也其先世居湖廣曰文昌 鄉貢進士蕭不敏墓誌銘 古廉文集

樂辛卯時中擢進士第一人入翰林為脩撰而尊府沒 止之日朝廷取天下士以備於用豈可以我一人避嫌 太宗文皇帝命時中為考試官時中欲以嫌解不敏力 事其母以孝聞歲甲午不敏舉於鄉明年上禮部至期 不敏哀毀骨立葬祭以禮時中歸守制兄弟自相師友 勞其誰任之尊府不之强命次子時中入為弟子員永 邑库不敏既曰不肖侍大人幸居長逸身於學家政之 之書多所涉獵而尤邃於詩盖其家學也尊府欲遣遊 一飲定四車拿 遭母喪水漿不入口者六日幾絕而復甦由是得疾明 育其孤無異所生平生未當與人爭論是非有遇以非 食偶豐必污然流涕日安得以奉吾父母也時中沒教 先生門人也當痛其尊府早逝時節思日薦奠必哀對 於門者日益衆每秋闡榜出人輔指數曰某與某皆蕭 承叛水之歡幸矣竟投狀禮部去士論偉之既歸從學 禮不與較熟為自咎而已其人聞自悔服癸丑秋九月 而廢公義也且我之來迫於有司之命老母在堂獲歸 古廉文集

将有職任之祭以致禄養而不敏竟沒豈非其命也那 年四月二十 立身持已為政治人之方委曲切至維複既承召還朝 正萬節所為狀來請銘古者四十始仕孔子曰學而優 維賴將歸以某年月日葬不敏於某山某原奉太官署 則仕今之仕與學與未至而汲汲馬求進之不暇尚得 三人長維禎宣德庚戌進士次經次綸女三人孫男一 人孝孫女二人維禎第進士奉命續學於家所以教之 一日沒得年五十有四配周氏有淑徳子 改之四車全事 明 是遵惟天爵之尊兮足以潤身果熟為貴兮熟為殿貧 今不惟以裕諸巴而又以裕其後民惟仁是尚兮惟義 其學之充兮不獨以成乎已而又以成乎人其積之厚 尤於人者比比是也然則學足以高於人言行足以信 為詩文若干卷詩傳集講若干卷藏於家銘曰 無悔若不敏者可不謂君子敷是故可銘也其平昔所 於人鄉黨推之有司薦之退然自守窮的至於老死而 古庶文集

之則侈然自足如不得馬不復計其已之短長而惟怨

嗚呼不敏雖死猶存 公治行來請銘按狀公諱庸字孟常四川重慶之忠州 禧在側既殯發將奉柩以歸葬持翰林侍講邢賞所述 廬州府同知謝公考續至京未十日 而卒卒時其嗣子 南道監察御史庚子山東妖婦聚聚為盗三司不能制 有學識永樂两成舉進士不第入為太學生癸已授河 人曾祖某祖文才元某路通判父必先母某氏性類敏 謝同知墓誌銘

察副使命於餘冠公以計獲聽賊劉信者械送京師尸 吉遂有盧州之命到官以與學校督民耕桑為務寬厚 次足日車 日本 之惠屢施於上暴虐不及於民民甚安之宣德十年七 諸市餘黨散落悉就擒永樂丁未報政入朝奏對不稱 既置諸法詔簡廷臣之才賢者往任方面公膺薦為按 日葬於鄉之某山某原公剛介蔗慎才器過人為御史 月五日以疾卒於北京之寓館享年五十有四娶韓氏 子男三人長禧次裡次祺孫男二人女三人某年某月 古唐文集

寺觀祠廟計口給之民以無熊及公上京師民數千人 敬上欲宥之公執不可左右皆失色太宗曰御史言是 訴於巡撫官乞選公郡守以終厥惠奏至未幾而公竟 勵學者而所居蕭然歲數輔出巡省發倉原貨民栗貯之 人詔從之廬州所得俸資以新學舎節神祠購書籍以要 也在山東上言官軍捕盗逮及無辜顧罷捕兵以安其 守法持正不避權要禮部尚書呂震罷遇力隆人不敢近 金グロ人 公糾其不法數事中官有恃龍戟履上殿者公劾其不

次至日春公里 學弟子員本領鄉薦得外校官故於先大父之潛德有 **訓班 秋滿來 天官始撰次處士行實請銘於予曰先大** 父 没之明年 建父以間右徙實京師不肖亦隨徙補郡 謂仁者壽何不耄期謂命有徳何不隆資人望攸歸而 止於斯有以張之庶其在茲 卒嗚呼豈其命也耶抑其民之不幸也耶銘曰 有處士晚園翁沒已三十有六年矣其孫賜谷司 晚 圃 處士墓誌銘 古庶大集

喜甚即日治裝行未上道以疾沒處士以不能逐其意 京朝平定海内處士跋涉險阻往迎之以清見處士至 哀毀幾絕或慰解之曰父子相見而後至此亦足矣使未 父曰士昌者娶梁氏梁氏無子子孫遂冒梁姓大父壽 士之先本曹姓武惠王之後自南渡徙家盧陵其曾大 我以垂無窮佩惠其敢忘子感其言遂序而銘之日處 未暇及恒切痛心謹述其大略乞銘於先生使先徳不 可考以清皆隱弗任以清客遊廣西因亂離留不歸及

教子弟以孝弟敦厚為務待人一於誠信言語雖抗直 杖而起殯險記扶機歸葬以幼子尚留廣西復往事以 大事乎况在萬里外可不自慎以全孝道耶處士悟遂 見而先沒奈何且死生有定命公不聞惟送死足以當 悔盗感謝而去不復為盗處家勤儉自足雖老不少自 死處士戒諭之曰汝所為殺身之事吾釋汝自今宜改 而心氣和平常夜有盗入其室覺而執之家人欲置之 とこり…」 門之內數百指相與歡然無問言平生不事華侈 古庶大集

多定四庫全書 高朝誦韓魏公莫嫌老園秋客淡猶有黃花晚節香之 一服逸尤好治圃種南數百株花時邀賓客賞玩酣飲淋 皆嫁為士人妻孫男六人長即璉次鏞鐸銓鉞曾孫男 句因以晚圃自號云永樂戊子正旦晨起家人行禮畢 氏有淑徳先處士卒子男二人長庭桂次庭椿女三 至夕奄然而逝享年七十有餘處士諱榮字志英娶王 日吾身飄飄然其歸矣乎舉家篤怖求醫樂悉拒絕之 人墓在里石臼之原銘日

恬淡無求亦無忮居家孝親訓子弟一以誠敬與仁義 傅至於開有三子伯驟仲南武其季並以明經同擢桂 塘東有曹今幾世實曹武惠王後裔從來南渡徙居此 厥後士昌室梁氏冒梁之姓為梁嗣子壽可隐徳不仕 取適園田樂樹藝進迎廣客遺世事享壽考七十有四 至於以清生處士賦性聰明貎豐偉處心接物甚和易 文三日巨 CEST 正月元旦奄然逝坤元之山艮之水下錮九泉靈所止 刻銘斯藏告萬祀 古鹿文集

金好四月全書 給者周之惟恐其有餓好後部使者聞其賢常屬以監 事父母極孝愛母沒奉繼母陳氏如所生撫二弟友誼 部尚書胡公之門受易經後以家學郡大夫辟為其府 甚寫待宗族恩意周備族子姪有幼孤者收養教誨之 陰陽正術其為人恬澹不務華侈儀容端整言論謹恪 君諱靖字安行姓毛氏常州武進人本業儒從遊今禮 與已出無以異比長為婚配築室以居之鄉人窮乏不 素軒毛先生墓誌銘

環植花卉日吟詠其中號日素軒一時皆以素軒先生 六十有一配葉氏子二人長玉辛酉鄉貢進士績學成 **獄事有二人争訟繁獄一富一貧貧者病富者以白金** 稱之正統八年癸亥六月十有四日以疾卒於官享年 如人心天理何輛令醫與之樂且召語其家人時其飲 死君属聲叱之日爾獨不畏官法且置此人死無難其 五十两路君令勿容醫入視疾且阻隔其飲食欲置之 食貧卒賴以全活晚年益好問静禁一室無雕鏤繪飾

次之四事全事-

Į.

古庙文集

字四

監察御史次其稽煎即中季其號蘭竹先生君之考也 為武進人祖某國朝邵武同知同知三子長某山東道 某元將作院使會祖某常州路推官子孫留家武進逐 至於宋代有聞人中更亂離譜牒亡失漫不可考高祖 時有諱某者以儒起家任後唐河南刺史歷晉漢周以 趙公所為君狀來請銘君之先世居真定之元氏五代 均次尚幼女五人君卒時仲弟端方為妥吉令玉在太 學惟季弟宏經理其喪王聞計將歸襄事奉國子司業

貴賤壽天無不中尤精於潜虚有問者斷其吉內悔各 近臣曰此衣天綱也因問卿幾子有能讀書繼其業者 太宗文皇帝召至京師屢武之無不驗甚罷待之顧謂 蘭竹幼響敏同知君當曰是兒慧過人第恐非壽者相 否答曰臣有子為陰陽學官頗知書但與於有司差委無 禍福不失毫髮由是名益彰聞永樂中有薦之於朝者 心未曾不明乃專意數學以人生年月日時推其貧富 析者云有疾可延後果目疾失明當曰吾目雖不明吾

次定四年全事 一

古康大集

1

竟沉鬱下僚無復有能薦之者卒不得顯聞以死豈非 荆璞之琢不為瑚璉其美未施其遺則速彼貴而壽名 其命也耶墓在鄉某山其原其葬以其年月日銘曰 而封克昌厥後 有不聞沈鬱下僚而道則導臉廳高原松栢之茂既固 召見便殿與語謂之曰此子非無用才待君百歲後有 用之未終蘭竹以老疾解歸而文皇亦上賓由是君 シロ人と 於學帝即動有司無差君以他事君既家思詣闕

之墓中以慰先靈地下為不朽圖先生與先人交厚必 曰先人葬未有銘不肖欲得先生銘歸而勒諸石追納 也劉氏為己者姓其先自漢長沙定王發分封次子禮 來趣子銘乃叙而銘之日原舉姓劉氏諱凱原舉其字 原舉沒之十五年為正統元年其子德在北京來謂予 於安成因家馬有曰德言者南唐時率子弟保障鄉里 不怯銘之子姑許之明年夏徳将還以署正萬節之狀 劉處士原舉墓誌銘 144

彭定四庫全書 陰六世至溥以五舉魁天下由溥之孫曰安世清紀兄 弟父子祖孫聯登科第時军表其門曰叢桂因號曰叢 桂劉氏竹西翁定字君大久也元進士免平令仲炯隐 後以其共歸宋任至水部運使南昌郡男子孫皆官文 者質之於君君為處置而行之鮮有仆敗當為賦役長以 平求之於君君一言折之無不聽從官府有疑事不能決 偉美鬚髯善談論語練世故識達人情鄉里有必争不 士叔璋伯父父也君繼其世德之美生而類敏魁听奇 7 1 1

令日前宰已達上司矣君不恐其無辜也資遣其家人 有誣構仇家三人罪至死獄成矣君謂令曰是獄有穷 義也扶持之不離側又為出資以求醫樂卒賴以安里 遘疾危剧歌皆懼不敢近君曰同處患難而不相恤非 說寄田糧堅部之與鄉人張其姓者坐累被繫一日張 赴訴京師卒得白嗚呼君之才智如此苟有能薦之授 已資輸逋二百餘石又為里後適造版籍鄉豪欲賂之 職而致之官理則其惠之及人豈止此哉乃卒不能 古原文集

銀定四庫金書 安成之劉沛國裔始自長沙發子禮有曰德言南唐際 子程吉州服官理邑有劉氏始於此父子祖孫襲科第 率子弟保障鄉里以兵歸宋宋所貴水部郎官轉運使 偉鄉貢進士未第而卒孫男九人士寅十一月三十日 子男六人長裕次理早卒次憲雲次憲政次憲髙次憲 以疾沒於家享年六十有三墓在其鄉禾場顏之原銘 得而浮沉里間以死獨不可哀也耶君凡再娶皆彭氏

立榜門問曰叢桂至今鄉邦數門地會祖才翁祖定字 とこうとこう 安爾之藏祐爾嗣 鄉稱孝弟與仁義仁者宜壽福無已云胡六十有三止 父叔璋甫皆哪世處士之生繼其私美髯長身復英偉 居吉水之泥田宋御史中丞訓始析居安成之城中五 處士諱禎字添祥姓周氏静樂其別號也周氏之先世 南離之山坎之水上云其吉室其趾踰百千祀莫之 周處士添祥墓誌銘 古康文集 Ī

友愛之意極至出贅外姓及沒歸其子鞠之如所生既 極孝生事葬祭皆盡其禮無遺憾異母弟隆祥幼撫恤 家道中微卓然能自振拔樹立以不墜厥先緒事其母 温和見者其不敬愛之早失怙母縣氏教育之既長遭 也處士生而聽慧體順而貌豐美髭髯聲音洪亮解氣 處士會大夫也仁夫生晉翁晉翁生良能處士大父父 安國生銓銓生容客生天瑞天瑞生獻可獻可生仁夫 世至鑑遷於高村塘高村塘即今之横襲也鑑生安國

一金好四库全書

為婚配割產業藥第完經營園田以居之族會孫思理 久己日臣八十一 賬貸鄉里賴以不機當為賦稅長征飲以公不分內外 迎養於家始終無息意甲寅歲歉遠近閉羅獨發倉原 完備而後歸女兄以歸寧卒棺飯葬之外母遭亂寡居 其宗泥田初祖祠墓損壞雖老猶率子弟往拜掃修理 孤貧來相依無育之成其家室撥田地與之而後命 久役於人遂懇訴於官得代輕削跡城市日與實親遊 十餘年官無逋員人無怨咨一日翻然曰予老矣何為 古原文集

魁山之原葬之後六年孜穀與郁奉中書舎人 以静樂自號預卜善地作壽藏凡棺槨殯斂之物皆具 山水間以自適日塵俗之事不賜吾心則豈不樂哉因 正統九年九月七日以疾卒享年七十有六娶王氏無 子勵穀早卒孫男三人長曰章次日郁今為縣庠生次 子以族兄濟南府經歷寬居仲子孜穀為後娶彭氏生 來請曰先人葬未有銘願先生賜之 女五人會孫男三人某年十月十九日葬順安鄉 銘將追納之墓 人劉鉞之

金号正是台書

横襲之周自泥田來居安成知幾年御史中丞訓始遷 有子有孫有田園足以貼後光於前老來世事都不關 家居孝友世相傳情孚宗族義亦敦的襟瀟洒誰與角 美髯領秀思飄然遭家中微思險艱奮自樹立志益堅 五世至鑑從高村思世益遠族益蕃至處士生才且賢 以慰先靈地下不勝其大幸予曰予與尊府交知其為 烟霞泉石縱遊盤達生知命樂其天起然而往不復還 一書之言不誣也是宜銘銘曰

一飲定四軍全事-

古康文集

青山白石銘以文干秋萬古長不刊 此志鳴呼働哉既歸翁之子貫進唯自述翁行來請銘 少壯人子謂翁宜有壽予致仕歸必當得再相見以盡 送兄葬予因得一見時年已七十三矣而康强精健勝 先兄恒心先生有友四人其一蒼山彭君同升先生餘 三人者相繼亡發惟營山翁隐居不輕出入獨來執練 懷及今年予得告老將解朝而前沒於家竟不獲價 彭隐士同升墓誌銘

次とり和台町 持門戶不肯為非義年十五六二親相繼傾逝子然奮 府復安與智溪伯樞同婿於里之劉氏伯樞無子欲擇 兄弟交自幼至老始終之誼不可解遂叙而銘之日翁 |嗚呼子方悲翁之不得見尚忍銘翁墓耶雖然翁與子 先世多顯宦富盛代不乏人翁自知讀書循道理居家 於同宗無可其意者見翁少類異遂與以為後兩宗之 今為智溪彭氏翁之彭本出東街與智溪不同宗其尊 自樹立會官府有重役他皆亡避貧獨往役比軍事歸 古廉文集

恩意備至既長延師教之為之婚娶後出商客死於外 指理謂翁曰以子累汝翁泣曰不敢違命伯極沒撫理 日而不厭或曰翁孝弟人也伯樞晚年妾生子理疾草 居之後舊山之陽顏其獨曰舊山隐者客至輒觞詠累 植始得復其舊而年已老矣家事以付諸子退隱於所 明辨卒得臼而歸既歸資產蕩然殫力竭慮辛勤以自 有妄人輕以好黨人皆危之翁不以為意及至官反覆 而猪府符下凡避役者皆詢成邊人以是服夠之識達

金灰巴尼河

置田園築室於隐居之旁伸居之以承其祀與其從兄 前嘆曰吾本宗可使不祀耶既命二子繼二兄之後别 恤之自出繼時其兄性善季清皆在後相繼 淪沒俱無後 钦定四車全書 施以棺配孺人郭氏分宜人性端淑寡言笑務勤儉躬 藥物於家有病者即與之宗族及里之貧不能葬者輕 款留累日極數而後别始終無間言翁尤好施與常**時** 務威相與尤盡道所居離隔若干里歲時必相過該論 謀歸其喪撫其遺孤子紀至成立析家業十之六以優 古原文集

也同藏神之安之厥後彌昌褒崇之榮九原之光惟昌 智溪之陽官山之傍惟山倉倉惟水泱泱昔也同堂今 九人養山翁六世祖國子上舍高祖某曾祖悦翁祖芳 女二人長適樂清知縣伍冕次適劉良孫男二十人 事拜浙江按察愈事皆郭出也曰智明側室李氏出也 生子男六人日義遜德貫即求銘者以進士授刑部主 紡績理中饋皆有成規其所以相成翁教子之意尤為 遠父即復安此其世也銘曰

飲定四車全書 肖自居長陵衛客有京師來者輕問先生安否故不肖 雖未識而耳熟先生盖有仰慕之心馬先人英偉慷慨 無警無所施用費志以發聞者傷之今葬有日願得先 有智畧嘗欲立功名當世而遭遇聖朝累聖相承四方 正彭德清來請銘拜且泣曰先人在時當言先生於不 長陵衛指揮愈事錢公殁將葬其嗣子其因欽天監監 惟光惟德之宏後來不知視我銘章 長陵衛指揮於事錢公墓誌銘 古魚文作 里主

殁又重其子之請銘其可解按錢氏世居應天之六合 佑我後人則皆先生之賜也感佩其忘乎予既悼公之 姻親父老見者其不重之知其必將昌大其門或歎日 少有大志年十二喪其父哀毀如成人事其母極孝愛 會祖某父伯源好善樂施鄉里稱馬公諱某生而賴敏 **陞錦衣衛指揮食事宣德初調長陵衛持戶** 伯源可謂有子也後以戚屬選為散騎舎人洪熙改元 生銘以葬先人有知將不悼其不幸而慰安地下以蔭

某氏子男二人長某次某女一人死平縣香山梅殿之 遍游山水以自娱當曰吾得飽觀壽域龍鳳盤蔚之雄 勤能爱惜士卒處事咸得其宜無矯激躁妄之失暇則 次足可其是 制山陵與國同休坐閱太平梅厰之原下協龜筮定者 巍巍壽城山川攸萃職愈衛司實居要地静觀龍虎保 之曰 原其葬處也宣德八年十一月廿七日其葬之期也銘 亦足以自樂矣故没之日人皆惜之而哀之者般也娶 古原文集

塘今所居是也高祖孚先南昌府學教授曾祖繼屬祖 退之後遐為安成太守子孫因留居城西之下村七世 常兒既長好讀書學問常從復古謝先生遊於名山勝 存忠父子善皆隱不仕逸士生五歲而子善沒聰慧 至拱辰仕宋文州文學參軍罷官歸徙下村江北之種 逸士諱適字志達松坡其别號也姓劉氏晉安成太守 劉逸士志達墓誌銘

涉險阻冒瘴厲送之直抵配所經管宅各便安居而後 境登臨唱和窮歲月忘返以是學日益進詩名日益以 次已日重全馬 返 挨有貧寫不給婚喪無措者皆周濟之族兄惟章以 日如此則吾與目矣從子彦政永樂中坐界謫戍南丹 者逸士曰兄有此子在弟雖不才不敢悖徳志楨亦喜 兄弟欲分異其財産惟二兄所處一無所較長兄志楨 有聞事其母極孝謹與二兄處友愛尤為及家累既聚 子未周及病且死召逸士與語意欲謀所以繼嗣 古廉大集

其耕鑿樵採又常資給之姐友謝君利亨深山中開地立 所藏孝懷琳嵇康絶交書付逸士重捐白金酬之以其 山水清秀電殿幽雅鑿池築園圃種松柏桃杏其中構 利類此中嚴嗜樂閒安足跡不至城府額所居傍近地 屋以隐曰桃坪率子姓捐山下田二十畝與之其尚義輕 之居來居於鄉之介源介源多劉氏業逸士與諸兄言任 貧也武士史仲和貧苦為學好吟詩而樂幽寂意園間 |軒顔其楹間||日小桃源||日松坡清逸客至壺觴

ACTION LILLID 享年六十娶武陵伍氏子男四人長曰恒坦恒直次曰 得若與世不相關者正統丙寅正月二十九日以疾卒 生謝司訓汝愚桃源令利貞諸交游往還手翰觀覧以 素劉仲修端木孝思彭伯圻諸公所書與夫遯遊楊先 尊俎歌詠吟嘯以相樂或時取懷琳饒介之變子山危 恒熊恒煥女二人長適上田李體相次適東郭王儀楷 自適風晨月夕則取阮籍陶靖節詩反覆諷味怡然自 男十三人明年丁卯正月九日葬本里坑口之原平 古原文集

昔所者有松坡集山谷唱和集桂館金蘭集藏於家葬 不見莫不揮涕坑口之原文獻之里青山白雲滄江流 嗚呼志達一鄉善士敦乎仁義篤於孝弟德週於身才 後四年恒坦民弟奉廣西愚副萬資中狀來請予銘銘 金好四层多言 水嗚呼志達乃歸於此 不用世泉石烟霞樂其有既謂宜多壽享福無已一日 貢士劉憲偉墓碣銘

達旦謂諸生日知自學者吾劉俊也甚重之王子秋果 大臣司田山村 學文大奇之遣入縣库為弟子員俊既類敏又加以勤 義藏於家俊見之曰獨不可繼其志耶遂發情以就於 人十歲能為詩伯祖仲炯元進士為死平令有詩經傳 隐居絕意榮進俊生而秀偉五六歲時已能屬對語騰 俊字憑偉姓劉氏安成人曾祖定守祖叔璋父原舉皆 勵故其學益進莆田徐先生每夜起見俊所居舎燈火 以詩經領郷薦乙卯冬始上春官自登舟手未嘗釋卷 古原文集 四十七

一報卒以是得咳疾樂弗效以丙辰四月十一日沒年纔 獨不知古人息馬之義平曰知其益不知其勞也終不 至京主翰林編修吴節家見其勤苦甚謂曰得無勞乎 **疽久不愈晝夜侍不暫離躬自澣濯不以委家人癸丑** 得銘無以慰其不幸於地下先生與其尊府交厚銘不 可辭予得狀不辭而銘之曰俊孝弟誠信人也父嘗患 三十有六衆以編修所為狀來曰俊學不得禄死又不 春當就禮部試值其母病輔留視疾或勸之曰時不可

次已日五 ALES 明 俊曰吾豈不慮至此然不欲棄吾信也分司知其然亦 失日急於功名而不顧父母可以為人子平同舎友將 舉之文足以發身成名不足以及乎古吾終當從事於 薄其對遂得還人以為難能也俊常見兩漢文章曰科 聽之一日分司官至怒學校慢之而無所發見新進生 引其鄉人為泮庠生者欲假俊名薦之俊不知私也而 長大而粗鄙召至問所讀書茫然不解命題考之不能 一解窮完舉主逮問俊或謂俊盡引同舎以自白乎 古蔗文集 四十八

時其兄憲政在側問日不意吾弟至此其有所言乎不 進士有名於今而後獨不幸死矣得不可悲也耶俊沒 卒不遂,夫復何言竟無一語及家事俊有子男三人女 此由是觀之俊非有志之士乎哉與俊同時出者皆第 嗚呼得不又可悲也耶銘曰 三人皆幼憲政以公事留北京獨一家僮扶其觀以歸 應强之再四日吾讀書學問欲成先志以追蹤古人而 故鄉之山昔也傷離自幾何時忽馬以歸

金万四尼人雪里

增其悲白雲霏霏緑水灕灕我銘在茲千載之思 李給事中父墓誌銘

為先人行狀來子辭其請至再四卒不得解按狀李 第七品今又得歸省老母於家焚黄以致命於先人之 靈願先生賜之銘追埋之墓中謹以國子博士汪公所 共科給事中李順及門告子曰先人沒終十餘年既葬 而墓石未有文不肖幸叨禄明時蒙被恩命追贈先人

大元の年入五

氏之先居豐潤後徒臨清公字士賢資貌奇偉美鬚解

古鹿文集

敬嘆平生未嘗為禮法外事見人有一善譽之不絕口 教縣大夫以此重之每歲鄉飲公與馬禮儀南雜觀者 得而解馬於是老長子弟咸相戒飭母為不善以煩公 未五十共推為者德相與言之官俾聽斷鄉里公亦其 禮處親族黨一於誠敬尤好賓客過者輕剔飲大醉而 敦厚慷慨不為庫鄙庸俗之態性至孝事其父母無違 後已人有争辨是非者必為之别白無委曲脂章故年 有不善萬方為掩匿使自悔勸世故多以長者稱之永

金万正是多言

信服之如此安享壽考終於正寢而有令子以仕於朝 張氏卒之後十一年為宣德三年始以子貴受動贈公 南温良社之原曾祖通南祖吉鄉父用俱隐德弗耀野 樂戊戌嬰疾卒於家得年六十四以是月日葬於邑東 そこり目ときす 銘也銘曰 共科給事中配封太孺人子男六人類關瀾穎頗顯孫 廷為名臣獲膺褒寵之禁使人頌其賢徳不衰是皆可 男二人嗚呼公居於鄉非有職任條教以號於人而人 古原文集 平十

墓石未有文先生與先人交幸惠然賜之銘追納之墓 為其尊府行實來請予曰先人葬已二十有五年矣而 有孫以延厥慶追銘其藏温良之原百世之下其尚有 善始彰以身為訓儀型一鄉生遺榮禄沒曆顯命有子 李氏之先世居豐潤從來臨清隱處市振爰及於公德 金好四是自習 同邑義士張巨川以謝恩至京師奉鄉光生楊遯遊所 張處士尚脩墓誌銘

文主 四年全里三 一 中不惟先靈有慰聞者亦将曰先生之不忘故舊如此 弘道之子又新處士文也自又新以上連世不仕處士 也桂芳之子弘道處士祖也自城中徙居邑之西大畬 貴大理評事高祖遵憲重慶監判監判之子桂芳處士曾祖 先生之厚於不肯父子如此先生之待人不以死生為輕重 居水川之銅谿五世祖文質白銅谿徒安成之城中上世祖 廷 昭宣者仕宋禾川某官子孫因留家禾川至曰師亮者徒 如此辭不獲遂叙而銘之曰張氏本曲江文獻公之裔有曰 古廉文集 手

儉以處已而勤以立其家家既饒裕而無驕矜之態以 以泣由是發奮從師讀書脩身慎行比長有進取之志 日汝先世素積善今不幸陵替至此嗣德延慶實在於 亦卒母孺人連遭大喪竭力襄事四壁蕭然撫處士哭 幼失怙獨與母居叔弘道翁撫育而教誨之未幾弘道 故鄉黨皆重散之當痛不逮其父祖養時節祀事良感 既而曰吾孑然孤立出處之際其誰與我遂絕意任進 汝汝其念之處士雖在幼稚而知其言之悲潜然淚下

金りでん

睦無間方處士初自大畬徒居里楊梅谿之東念師亮 恩愛尤為寬接士大夫惟恐弗及家門內外餘千指雅 早佃田有登有不登一蠲其租入為賦稅長其副已徵 翔貴不繳利開倉以貸貧民有不能償者不責其價歲 不自勝事其母孝敬備至母卒喪葬一於禮撫育弟妹 揭以舊名示不忘其先也處士性恬淡好施與饑歲栗 民賦沒入官揭已資代輸不再徵於民假質歲久卷 公在銅谿時有樓曰臨溪於是構樓數楹於梅谿之上

次至习事会与

古廉文集

積多一旦盡取焚之其行義類此處士名齊字尚脩死 金女正是一 時年五十有八娶李氏子男三人長若金次即巨川次 月日也而納墓石則正統九年某月某日也墓在里洪 陂山之原銘曰 月十有二日其卒之月日也是箴十二月某日其葬之 既艱於幼復嗇其壽何界之才而不之佑惟性之淳惟 霖女一人曾若越其婿也孫男十餘人永樂庚子二 /越於何徵之仁者有後洪陂之源水深上厚有以

次足四車金馬 藏之終古不朽 哭之寓館距今二十五年矣季安自國子赴選天官得 赴行在明年冬還南京鄉人來者問安處士曰死矣了 業於予是歲丁玄也已五服関與處士別入京師承命 楊季安來為弟子員從予遊予舉進士去鄉里既而以 子少游洋库與戴君誠問交誠問貢國監而其妻之弟 内艱歸季安之尊府處士君邀予 至其家塾令季安卒 楊處士道存墓誌銘 方廉文集

遂居安福處士曾祖也直學生奇伯處士大父也奇伯 有學納者業儒元初為安福泮库直學要已雅源衣氏 直不務浮靡志欲有為而力不足嘗歎曰世如此家又 三歲失估九歲隨母改適楊氏遂冒姓楊處士生而質 幼孤鞠於袁氏奇伯生觀泰處士父也元季共亂處士 處士諱誠字道存本姓郭氏其先居表之宜春親仁里 念與處士翁婿父子交久且厚銘不可辭乃叙而銘之 知景陵縣持翰林編修彭琉所述處士行實來請銘予

賦稅徭役民之職也富盛者圖首免則貧乏者當之明 大小りは上台から 為歲壬申洪水泛溢人有弱死者水退率家衆荷鋪沿 有國法與有鬼神馬可誣也我聞之皆自悔不敢作非 若親民弟然洪武初戴丁產富豪者多為說計處士曰 求無忝而已楊氏無子擇同姓子立以為後處士與之處 隆冬甚寒人無病涉馬甲戊詔下郡邑修陂池為旱澇 江見浮屍瓢水盛因捐資造舟以濟渡由是方春江派 如此學則無暇仕則非時何以振先業乎惟修方寸地 古鹿文集

童得其父名召之領以歸且戒勿與雠平居訓廸子姓 鄉重誣為已子來售處士知之隨所議直與之既去詢 付爾券以所償歸其骨庶快吾心隣邑有貧無賴者誘 益重價所質處士曰死者骨未歸而價吾債吾豈忍今 就鄉人有貸息錢商於剧者三人冒瘴癘死其家懼息 米以給之施樂餌以療之皆感激争先赴後功獨易以 備縣符處士董其役時嚴冬與作饑窮疾疫者敢捐新 必以道徳仁義為先非禮之言不出諸口終身與人未

金好四月五十

次足可事全替 一個 三人女十人其葬以庚子正月一日其墓在佛領東抗 女二人長適劉氏次適五軍斷事稽禮戴誠問孫男十 氏繼周氏子男三人長曰懷素次懷炯次懷忠即季安 疾草假貨與券悉焚之謂諸子曰吾以身報楊氏恩汝 然山溪献畝之間世事略不經慮永樂康寅八月忽邁 有争競當於所居之偏築一軒前植花竹幽夐可愛客 兄弟無忘所自必復姓遂卒是月二十九日也初娶劉 至從容賞酌平生不喜飲然待客必醉而後已服則陶 古康文集 五十五

生遭世艱復失怙長際時平離鄉土使以報思義弗去 從子翰林侍讀學士習禮撰次其行實請銘於子解不 宣徳九年十二月八日文江錢處士沒沒之後四年其 邑人作銘埋之墓萬百千歲留清譽 老遺塵俗不關應忽厭濁世倏然去白雲湍山風湍樹 沈浮里問甘守索我心獨知匪人衛有子有孫家亦裕 之原銘曰 金少口是人 錢處士東源墓誌銘

以和父立吾皆有善行稱於鄉里處士生魁偉有膽略 成立一以家事付之與宗親父老觞詠往還論説古今 獲遂叙而銘之曰處士諱穆字東源曹大父明則大父 大足口山上山山 ! 甘肯必具及國朝平定天下盡室來歸經理舊業以為 度不能舉奉二親出避短雖擾攘艱苦中而志氣不衰 井有緒父卒居喪盡禮事其母尤孝謹寫意訓諸子及 仰事俯育之謀外以應公上之需內以給私家之費井 元季盗起輔族之長者募鄉共為保障計以隣援懷貳 古原文集

哀呼子姓僅僕倡率里人分守險阻盗悉衆來攻殲其 姓處士方會上客有來言者輛罷酒適幼子卒於外恐 初保障鄉里時與敢死士親冒矢石力與賊關手殺數 有賢行先卒子男三人孟芳仲類季恂女一人孫男終 目聰明食生飲寒如少者年九十有六以疾沒配曾氏 人某年某月日葬某山某原處士志氣萬邁勇力絕人 人賊退走洪武末山谷惡暴子相聚為监欲焚劫諸大 事賢否得失如指諸掌豐豐忘倦既老行不以杖耳 大きのもんだう 指取乃自此至於老而終不偶沉浮問里間以死得不 首惡者二人盜遂斂去境內安堵其壯勇如此嘗被誣 **負雄豪抱奇器遭時艱翦兇類際昇平樂居第喜劍歌** 其志何如哉使遭其時得其志搴旗斬将之熟烈可以 氣振輒歌信國文公題雙廟詞感激悲憤至於泣下此 役作京師處患難中怡然自得無戚戚之容每讀史傳 可良也耶銘曰 至良將烈士慨然太息而想慕其遺風或與客飲飲酣 五十七

惜無位稔将百戲溘仙逝我盟其幽表居志嶷然其升 不可悶 厚因從居之子慶好施予卸貧難行惠愛於鄉其後族 山澤至城北二舎許地名集鳳樂其山水明秀里俗恬 遂以大處士承祖父之餘生而類異少嗜學喜文尤工 俱隐處弗耀避其先世始居邑西之梅襲曰德勝好游 處士諱直字仲剛姓尹氏吉之安福人祖弘中父一德 **尹處士仲剛墓誌銘** 

次足四重人 洛吾年僅過之可不一至京師乎即具舟下彭蠡泛大 賦至京次子請代之行處士既然曰昔黄叔度四十入 與廢以為勘戒縷縷幾百言皆可書或勸之仕則白今 信動少蹈循矩獲蹈蹈固違禮平居訓子弟為善指切 詩持身慎檢取下寬簡於人無責備而交朋友務敬以 天下理平明良相逢躬耕為善人可也當以編役當輸 江以及畿甸間游觀景勝未幾風疾復作即促裝南還 日與故人叙論契好或劇飲大醉談謔以相歡洽或咨 古廉文集

夢其家人曰吾當葬某山已而求之果吉遂以是歲腸 其婚也孫男四人處士遺命行先兆其孤將他葬一 悒非達也神色不變端坐而逝時永樂戊子七月五日 年夏疾馬親黨皆來環泣處士徐曰死生常理遇自悲 月廿三葬馬銘曰 科今任黄州郡學教授次行滚女二人蕭元仁郭泰雅 其家事斬笑而不答惟語諸子以善承家膺門為務今 日也享年四十五妻胡氏子男二人長行遜由泮生決 金グロた人 次足口事在對一個 告一輕還鄉里其嗣子讓踵門且泣曰先人葬未有銘 命以發者於今二十餘年矣吾甚憐之前年吾蒙思得 差亦避追之偶然兮吾又奚嗟將厚蓄而不食其報 彼狂而柳兮胡壽之遐此恭而弗永兮豈宰物者之忒 知先人之徳善之詳者莫如先生其為我撰次以求銘 天官員外郎李君校弘謂子曰吾有友學既成未沾一 天固以是界其嗣人者耶 池從華基誌銘 古廊文集 李九

然口古之人澤利生民名垂竹帛者皆由學以致之吾 學為文詞不報既長置别業於其居之東蔣花藝竹靚 志而蚤喪父母鄭鞠育而教誨之勤以理家暇則讀書 之曰君諱奉宗字從華姓池氏黃巖士族少個價有大 交際之誼亦無幾其少盡也幸無解解不獲則叙而銘 今願寫有請以嗣其意以慰先友之靈於地下而吾於 於當世士大夫追納之墓中不勝其大幸吾時已諾之 深幽雅客至相與觞詠其中若無意於斯世者既而翻

志未遂而止於此也君性至孝事其母極甘旨之養痛 皆期望之一日遽得疾卒於家聞者莫不痛傷馬傷其 豈徒為太平民而已哉於是奮身而起入縣庠補弟子 欽定四庫全書 撫育之如所生親故有死不能葬者出已資助之假質 父早世忌日必哀處兄弟極友愛季兄蛋亡二姓孤弱 員委已於學學日益進行日益修名日益者鄉族老長 以故鄉人愛之者多惡之者益鮮而殁之日哀之者尤 不能償者因以與之朋友有以急告者赴之惟恐不及 古庶文集

黄氏有淑德子男二人長曰熊今為邑庠生次曰果女 聚也曾大父誠大父邦佐父思彬皆隱居樂善娶同甲 惟其材矣何不棟梁惟其良矣何不髙驤奄其逝矣誰 月日也靖化鄉古竹東山之原其葬之處也銘曰 日其殁之年月日也明年丙申十一月九日其葬之年 不汝傷惟徳惟善誰其汝忘於以張之其存者長 人道解孟温孫二人裕生女二人永樂已未四月四 **國子學正林先生墓誌銘** 

來請予銘曰此先生治命也嗚呼吾方倚先生道德行 悲明日遂殁叔朝既為治棺衾殯斂記述其世系行誼 學録劉叔翺至執其手曰吾兒子幼未練於事吾幸於 生殁先生未殁之先遣其子還侯官為其子議姻别數 正統十一年丙寅冬十月二十有五日國子學正林先 日而得疾未一月而殁殁時惟嗣子謙在側疾草其友 **飲定四車全書** 義以之淑諸生便有所於式而忽馬以死中心不勝其 子友厚善吾疾必不起矣身後事以屬吾子言盡而益 古原文集

源者五代時任為其官從王審知入聞居候官曾祖洞 州以內艱去服関陞國子學正遭父喪家居起復還職 書經領鄉薦明年會試禮部中人榜授附州學正改新 觀祖實考叔容皆不任先生諱居字禮節永樂癸卯以 副之乃叙而銘之曰林氏本光州固始人其先有曰慶 漏悼尚忍銘其墓耶雖然先生之命在子銘不可不有 年以疾卒享年五十有一配五氏子男二人長謙 人先生為人為厚簡静敦行孝弟在官皆迎

きりし

美與人交必以誠信言語論議行止動作必循規蹈矩 先生講易至大壯之六五喪羊于易無悔謂朝曰君子 舉進士為業者踵門無虛日先生皆受而教之無少怠 有成效雖武夫悍卒皆生敬仰其在太學畿內之士以 所以訓迪諸生由體及用循循有序故其化導於人率 不正之言非禮之事未當出諸口見諸行其職教內外 及其沒也士子之良之者尤動也叔朝為子言朝當與 二親就養備極子道親沒奔喪葬祭禮儀周至識者敬

欽定四庫全書 將必特然有可觀者而止於斯其可良也夫子以叔朝 以柔制剛則剛無所用而其强暴之氣自屈矣翱服膺 知人且知言遂以是銘墓在金鷄山先坐之次葬以某 養深至未易及也至於誠意正心之學修已治人之方 自悔悟因念先生未始與人較是非長短然後知先生涵 之其後遇人以非禮相加斬與辨論窮極而後已既退 年月日也 工夫切實論議皆有本源使其得進於用而充其所量

生賜之銘埋於些以慰先靈幸母解黃先生為厚士觀 先生之為人則其母之賢可知也遂不辭而銘之曰孺 權曆於里黄家汶卜人云不吉俊将求吉地遷馬願先 領鄉薦受國恩典教湖廣之穀城迎母就養沒於穀城 兄冠带致任官杜奉所為狀來請銘曰俊賴母之教獲 國子助教豐城黄先生俊將改葬其母孺人之墓奉内 姓杜氏諱妙真南昌豐城折桂鄉人杜本詩禮之族 さこりき シトラ 黄助教母杜氏墓誌銘 古廉文集

金元四月全書 **賔客皆有條理必盡其心由是家益以裕伯泰無內顧** 益勤不懈宗族娣如之間思意相接其所以助祭祀待 黄氏事其姑甚謹相其夫有禮率其女婦躬紡績之事 教而能既長父母為擇配歸黃氏為伯泰婦孺人既歸 五世祖某通經學有名累舉不第懷憤以卒曾祖某父 元實皆不任母聶氏孺人性聰慧自幼勤於女事不待 之憂伯泰凡再娶初娶聶氏生男二人日熙賢熙善孺 八其繼室也生男一人即俊女二人孺人所以教誨養

五夏六月朔日孺人沒之年月日也墓在家鄉某里某 永清次適左實孫男二人曰茂曰中孫女二人宣徳癸 育衣服飲食之事彼此均一外人不知異馬女長適吴 山之原其葬則某年某月某日也銘曰 女徳之懿婦道之統為理既勤家室既殷一日不見誰 次至四重全事 志超子友也亡已二十年矣其弟志設為太學生得 不酸辛惟山栽栽惟水沄沄既固既安以利後人 亡友周志超墓誌銘 古原大集 六山

隱徳弗耀志超自幼類敏其為人沉静簡亮年十五入 姓周氏名卓志超其字也曾祖茂敬祖芳平父如安皆 其鄉始以修撰劉君顯仁所述志超事行來請銘志超 大肆力於其間書日以益積學日以益博同輩皆敬讓 事必由規矩凡經史諸子百家之書竭貨以購求之而 縣庠為弟子員專力於學其讀書日夕有程度當日士 之為學非徒以資利禄將以行之也故其所言與其行 之謂其一出必有遇馬既而嬰疾退居於家君性孝友

養疾不宜復事詩書君但泣不能對壬午鄉問盗起如 處良感其意醫為盡力母疾愈酬以金幣處良辭謝而 安遇盗被害君力疾訴官取盗正其罪為文祭於父棺 事其二親甘古必具疾劇猶手不釋卷如安止曰汝可 處良工於醫然非厚質不能致君聞倭至事之如所親 次色 习事心与 醉怒逼赴河死其家訴官卒黨把持之君憤然排掌黨 去君於為義若嗜欲不計利害同門友朱勉行遇悍卒 前哀感行路母賀氏遘疾危殆醫弗能治或言永新曠

多少世是有事 志誤謂曰汝勉之顯親楊名在汝也吾疾不起矣其以 友有避難人所拒而弗納者投之欽接如平時君且死呼 世故悲其不幸也志超與予同年生月日長於予子呼 婚也志超有志於學有志於功名之事而俱不遂以死 所生子震異早天嗣子一人即虬也女一人劉彦周其 十有三某年某月某日葬里毛竹園祖壁之次配賀氏 以理白於官然後得行竟為所訴連至京卒復其仇朋 汝子則後我遂,卒來樂丙申十二月十二日也享年四

枕大雨至不知也早起水漂鞋方覺明年君疾作不能 書與君夏夜讀書東齊每至二更罷其夜過三更始就 之為兄平生喜獎進人以就於學而於予尤有意馬子 幾有可以及人者嗚呼君之不幸亦子之不幸也由今 就學而子學亦怠使君不以疾廢則麗澤之益深干疾 思之其有員於君多美尚敢銘其墓即然以志謨之請 久已日巨 二 志欲有為而不及施忽然以死其又可悲竹園堂封宿 不可辭遂序而銘之銘曰 古廉文集

世本應天之六合人先大父從太祖高皇帝平定天下 金安巴尼台電 中以註誤落職没於京師先父坐界謫戍大寧在大寧甘 東征西代有勞績自小校累遷東州衛指揮同知洪武 草萋萋餘二十年我為銘詩式昭於徳庶永厥垂 忠義左衛指揮同知陳遠將葬其父母來求予銘曰先 中累功授忠義左衛指揮同知守遵化以守城功進陷 貧苦數年從太宗文皇帝平内難每戰皆有功自行伍 指揮同知陳遠父墓誌銘

懷遠將軍得世襲還京師沒於永樂十九年二月五日 炎定四車全書-**舁廬淑人晝夜兼行竟獲免先人沒後二十六年今年** 老母與先人曰事迫矣勢不能兩全母不可棄棄其子 走遇短急有六歲子盧淑人曰我老宜棄抱汝子疾走 氏未幾而先祖沒先父有大寧之行雖在艱險之中奉 享年終老母張氏表之宜春人父出州衛指揮既歸陳 二月二十七日以疾沒壽七十三子男二人長即大寧 先祖母盧淑人極孝謹當大寧兵與擾攘之際闔室奔 古廉文集

宜銘遂為之銘表州君諱最忠義府君諱啓芳張淑人 條理今又能求銘以葬殿父母厥父母可謂不死矣是 藝以不墜先緒其立心制行忠厚端潔言語行事皆有 先生其無辭子曰達八歲喪其父能自立於讀書習武 之原今將啓先人二墓奉老母之喪合室馬先生與先 所栗者水即達女三人孫男一人 先人葬宛平京西鄉 人交學而老母又先生之鄉人也幸賜之銘以妥先靈 尊府諱廷秀今年正統十一年丙寅也某月某日其葬

次至四年全書 家難請後河南勁軒逐鞠於外氏沙歷艱苦故於鄙賤 軒詳操字志節生甫三歲而母周氏沒父重珍亦連遭 南唐曰金陵李氏志節本金陵之裔由其祖用敬上繼 安成之李有兩派一祖西平忠武王曰西平李氏一 月日也 上田庭蘭翁遂為西平商共用敞生重珍勁軒父也勁 之事莫不通曉既長歸故鄉而先世貴產湯覆幾盡勁 李處士志節墓誌銘 古廉文集

於昔勁軒題慧遇人就學兩期月於書多涉獵有讀十 極愛敬與母兄汝庸居友愛尤為及析田產奴婢多讓 之後跋履險阻徑往員喪歸葬每言及流涕事繼母九 餘年或不能過也性孝友當恨其母不逮養父沒河南 軒克自樹立於艱難之中竟復舊業拓田園祭居第有加 諭而資之修理先祖父母墳學其費一不以干於殷最 喜吴文正先世義。塾記中孝弟忠恕之説常舉以為家 之宗族子弟有寫窮者周給之後異而能向學者力與

之民未之及者勁軒遂發私原假貨鄉人不責其息顛 次色写真心 懷磊落議論慷慨使人樂聴之不厭晚年以故居弗 斯文賓客至傾倒教留必極數宴雖累日無怠俸 之飢者食之貧而病者惠之樂死不能葬者給以指 者飢餓垂絕即袖出白金託近山樵者貧歸食之得不 連無告者以白祭遺之一日行龍雲領道中遇一荷擔 訓甲寅し卯連歳早蝗民熊朝廷開義倉販給而隣近 死或遇荒月大集饑寫作粥飯以飽之鄉鄰有寒者衣

意乃改上於下方制極精級又築一室於新居之偏日 以是年冬十二月廿六日葬於本里麻園領之原育自 育今為縣庠生皆劉出也次京亨側室朱出也孫男十 **勁軒為休老之計鳩工甫畢而疾作矣疾草肩與還正** 為狀與其兄來請銘銘曰 寢具衣冠服謁先祠退奄然而逝正統十三年六月十 日也享年六十有四娶龍雲劉氏子男五人長文次章次 人談諤訥語詠武海讓謨記關孫女二人曾孫男一人標

學值縣孤半途廢克自樹立起顛沛山林園田繞居第 两族簪纓羽詩禮至於勁軒尤聰慧於書過目輒能記 到軒本是金陵裔由祖出為上田繼自此遂續西平李 誰其卜之青鳥子式安冥靈福後嗣 文已日東小江 有光於前無不遂襟懷磊落員奇氣生於昇平沒盛世 有賢子孫繼厥志順仰內間可無愧麻岡之原佳山水 古廊文集

